

存素堂詩初集錄存

存素堂詩初集錄存卷十八

柏山 法式善 開文

癸亥

趙象庵 金 話兩山房看菊

菊性我不識惟覺疎益好豐臺賣花翁造作無乃矯下以青蒿
接上復黃葦繞一如瀟灑人束縛不堪擾舍人愛菊花此意殊
了了揣其意所至霜前豫爲保花也無語言獨恃託君早氣味
澹相與風雨經多少乃知清妙人別自具襟抱君方關南園行
當補松篠殘石一任歌落葉不可掃寒香引孤蝶茶烟散歸鳥
我仍跨蹇驢 余借君策
塞遊山 城南踏幽草

亦粟僧閉戶三年詩以示之

關佛我不能佞佛我不敢惟持清淨根弗受塵盪染切曾讀儒

書遇事思奮勉老年精力衰萬物輒來撼衲子江南客筆墨頗
研吮應障自內除外緣不能感三年住一庵歷盡風雨慘石龕
冷鳥窺香飯飢鼠噉凍鮮雪中青殘燈夜深颯死生久矣忘榮
辱吾知免望師教眉巔爲我精廬選

宋辛田滋年自江南乞余序其詩作此以報

十年憐舊雨

余于十年前
獲讀君詩刻

千里寄新詩宦久貧方好山空老不

知父陽漁網晒春雨藥苗移梁父吟成後援琴和者誰

著錄吾何敢性情君自研書裁黃菊畔夢落白鷗邊正味淡彌
旨古今音不傳抗懷扶大雅真僞辨宜先

東軒圖

有序

乾隆丁未安邑宋葆淳順德張錦芳旣爲翁草漢序
士合作端州東軒圖後吳縣張塤監官倉取蘇詩

泗州南山監倉東軒故事亦顏其齋曰東軒草溪學士于西江使院賦詩寄之適陽城張敦仁治高安亦和其詩并寫入此圖中學士抵京持贈羅面峯山人山人歿此圖流落市肆今爲張昞所得因倩遂寧張問安問陶題紀其事余亦繼作

西涯夕煙暝東軒阻寒夢三復蘇齋句秋懷瑞州送舍人瘦暨

大史齋宿草增哀慟陽城

古

今循吏術業吾取重拈來舊約在

蘇齋詩有三張舊約共拈來句寫出新詩共三張繼三張念陵得此卷復倩亥白船山題句誰

與狡獪弄浮生易聚散造物隱甄綜精神寄絹素楮墨救飢凍
若他與塵瀆紙綠已無縫勸君抱此圖緩緩蹇驢鞍薄田買百
畝趁早松菊種紅日挂茆檐春酒曉開甕

東軒圖詩成見幀尾有楊蓉裳葢句一章戲效其體

蘇齋豐說蘇公事詩夢漣清畫卷涼他日東軒徵故事前三張
興後三張

會真谷運使抵都

燕市鮮梅花何處尋詩好城北多酒樓雪大行客少蕭然一庵
臥清吟對松篠故人別三年恨不攜手早兩髻或未改萬事可
無擾讀書力孔厚寵辱付草草愧我如蠹魚往來故紙繞隨身
乏長物史藁與詩藁時奉箕綸校八旗人詩官史及
養疴宿西山元白時壓
倒君倘負幽興僧齋落葉掃蒸梨更燒芋一鉢香飯飽天寒晷
刻促驅車趁晴曉短書觸遠夢高林響獨鳥

胡果泉觀察自粵東至

折柳送君行着梅喜君至梅花嶺南盛君何不我寄長安逢大
雪飲酒能無醉想君閱世久幾塵憂時淚纏綿一片心別有報

稱事憶昔通籍時羨君年最穉轉瞬三十年齒牙半凋墜朋儕
聚散多情懷今昔異我幸作閒官君勉爲墨吏他日西涯西擬
早蒞次置君肯訪故人當先屏從騎關入白鷗羣飲君半湖翠

讀張古愚敦仁刺史題畫詩

讀詩蘇米齋

亞溪先生齋各覲面接葉亭

衣園稿修宅

相思三十年月落春

雪停君昔居草廬淹雅習九經治民無他術電勉遵先型昨展
東軒圖數點匡廬肯搖筆勢凌漢得句瀾翻瓶有如巫峽猿哀
怨舟中聽又如吹玉笛酒人夢初醒嗟我塵世人乃獲天樂聆
迹象無可尋獨餘清泠泠

張念陵

明

大令屢訪不值作此招飲

燕市歌悲風秦關唱古月每人春明城必先詩龔謁看青幾角
山羸白半頭髮人生無百年禁得幾迴別寒花發顏色冷酒助

嗚咽長安一夜雪萬姓動歡悅柴扉夜不扃以待不速客殘菊
未斷黃凍蘚猶餘碧倘肯跨驢來勿滑溪邊石

王惕甫寄淵雅堂編年詩至

渣滓除已盡字字出瘦硬匪緣讀書精安得行氣盛憶昔芳草

齋挑燈商競病深閨具魚菜酒酸寒星映隔牆招二何硯農短

李介頭張船

并但知笑言永鉅愁歲月更自君買棹歸吾道遂

不振江湖望白雲霜雪改青髭撰述日益繁德業未出進尚幸

郭外山扶杖春墟趁七百二十寺僧衲都我認君卧梅花廬一

編寄情性日高猶未起柴門絕幣聘生平厚期許出處希賢聖

且畱幾卷書選待後人評

哭吳竹橋同年

今年雨寄詩怪君不一報方疑採藥忙無暇登山嘯驚聞玉樓

成修文君應詔從此少微星頓掩人間輝昔年駕扁舟寒江隱
漁釣天際望紫雲時復詩禽眺烏絲押紅印每隨雁飛到至今
懷袖間清冷月孤照生平著述富下筆輒高妙文去齊梁曾詩
泯唐宋調諸郎繼父志當早遺集校難弟今宗工刪修必得要
我願跋文尾敢避續貂誚迢迢千里隔愧莫草堂弟賀言作哀
誄九原定狂笑

題丁春水江帆圖

夢裏會稽遊醒覺鬢髮綠江帆落秋影烟雨耿心目雲埋紅蓼
村舟隔黃茅屋大雪正閉門瞥見山陰竹誰挽天河水紙上任
洄洑嘆息畫中人園荒有松菊長安住三載裘敝髮又禿美酒
不能飲奇書那堪讀懷鄉阻遠道寫圖寄歌哭我負四方志年
華去已速感君飄泊情多我棲遲禍租田種秋藥何必定食肉

芝圃先福方伯寄書并其家集至

聞者未覲而室邇却入遠翰墨信有緣千里寄誠懇上以先德
述繼乃餐飯勉關河寸心阻風雪尺書展梅花江上開古驛一
枝翦馬衝黃葉行雁帶秋雲返寒廬我高卧何事慰孤懸文史
屬職業歲月藉消遣奉

詔修輿圖郡國利病聞愧無顧公學才推測懼滑舛桑梓採風
誦鈔撮敢云選望君眞諒友補我聞見鮮吹到廬山青西涯春
雨晚他年屏騎從緩踏柴門蘇

冬夜讀敬庵德敏詩

雨雪三年前鮑子雅清構置謂有老詩客勸當厚屬意且許圖
詩龕催我衝寒至詎料君病作時抱梅花睡鮑子哦君句不飲
心輒醉昨年鮑子亡詩老何由侍江風吹雁迴寄到相思字清

籟響泠泠蕭然響獨寐令弟芝同近爲君刻清空山一鶴鳴凡

鳥皆退避疎放殆天性孤冷世誰類荒齋萬葉零樓鐘雜幽吹
呼童撥爐火自起翦燈穗讀至憶鮑詩石交君不愧

索敬庵書詩龕圖

我寫詩龕圖已遍江南北詩老室則邇如何求不得豈謂龕中
人古音莫辨識否或疑禪悅縹緲難潑墨我龕空迹象我詩謝
粉澤但取中有餘弗假外生色亂竹屋角欹醜石牆根踏酒來
便醉鄉花開卽香國白髮不知老青山何日息真氣淨縞素丹
黃倍出力能爭敢促迫幽興乘頃刻雪晴窗几間勿愁歲華逼
靜默寺訪玉蓮齋制單

三年離別苦一夕笑言親風雨灑河夢旌旗澤國春荔支尋舊
約梅樹悟前身圖繪乾坤手如何倪米倫

體

國無休暇吟成取自娛門生代鈔寫詩話遍江湖我亦耽歌嘯
曾同對竹梧蕭疎北窗下歲月十年徂

海氛都掃盡百姓不知兵任重安危繫心虛智慧生長林朝放
馬春雨夜聞鶯豈識元戎帳籌邊坐五更

幾回入簫寺鐘聲晚風疎殘雪映雙鬢夕陽明半廬知公能愛
士笑我只耽書故紙鑽研透艱難老蠹魚

時還讀書齋飲杏酪同仲楮元圃

今年春雨時山中住十日杏花紅可愛作詩曾紀官職眼快雪
晴書齋容促膝杏漿飽飲我勝啖石崖蜜問君醞釀法費盡幾
人力老饕僅一啣不復思肉食誰知有心人俯首千村憶某次
捲隨風洪流趨下急室家且弗保口腹安足恤糲糊把終歲亂

傳絕餘粒我叨大官俸素餐滋愧慄
翦燭剔江筍圍爐煖園栗
豈謂救蒼生賴此一枝筆書生究何爲
侈張身許國倖甌強下咽
潸然淚雙溢

仲樞讀余西山詩招同夜話

眼中幽曠人那得有三五白髮各相望
青山無定所深夜笑言共草堂
茗椀敘高雲映一時寒月照千古疎籬
隔積雪數峯嬌
嬉睹夫君喜讀書萬卷偷閒補愧我日伏几
多營却寡取詩以寫情性
翻受作詩苦人笑柳生肘我翼水投乳
秋風葛衣飄逸興
芒鞋舉無心逐鷗鷺忘形到爾汝
君肯北邙遊明春待春雨

寄懷王述庵侍郎

文獻東南望風流湖海傳
夢迴盤馬地心冷釣魚天
松菊存三逕圖書載幾船
北窗且高臥消受好林泉

奇才享清福自古幾人能老去繙書慣貧來愛士仍抱琴訪漁
父載酒約山僧黃葉蕭蕭下小樓紅一燈

大谷山堂廡

謂夢文子侍郎

何人工苦吟雲烟驚過眼風雅妙關心我

近頹唐甚公猶愛惜深高山與流水千載契幽襟

君早歲受知於文子侍郎

詩來以侍郎期余

江雁先春至殷勤尺素貽古人不可見作者厚相期月照山空
處梅開雪大時況余有情性能勿感心知

極樂寺晚坐

步隨橋共轉心以寺爲家古殿書橫几
香壇字隱紗

余屢年寺中所題詩

僧多粘

鳥翻秋樹果蝶戀夕陽花我却支頤坐西山看暮霞

初願園侍郎由滬旋都出壬戌歲除日重遊龍泉觀看

梅詩索和次韻

問世頭將白逢山服倍青寺梅看幾度江笛擬誰聽酒畔無多
客天南只此亭使君心似水官閣不須扃
萬里一天雪兩迴孤寺春客行續殘夢花放識前身久坐竟無
月清吟定有人老僧原解事不辨去來因

此心無住著隨在得儻然況是山空處兼之歲暮天政閒聊遣

與詩澹欲參禪笑問林和靖妻梅又幾年

此生宦遊十年不攜眷屬

梅花未余識詩裏雅知名把卷不堪贈巡壙空復情黃河何日
渡白石一生盟竹外柴扉掩還須倩鶴迎

題張念陵龍門觀瀑長卷送之東湖

半生託鴻爪千古此龍門天上河聲壯人間禹跡尊清琴撫誰
聽竒字向余論記立槐花雨衣衫綠尚存

此去紅梨在夷陵第一花久無人賞識空復樹橫斜江鳥催征

騎春風入晚衙歐公舊題句壁上可籠紗

東湖縣署有千葉紅梨花歐公會作歌

馬秋菊為其甥錫成畫請未見書齋圖并系以詩乞和

官史區六門書籍乃其一續修奉

明詔

中秘許造跡辨色目眈眈望洋心惴慄頗笑典春袍千錢換一
帙三年校勘勤落葉掃未畢訛舛且不保精義安能逃羨君願
力深萬卷自梳櫛坐老秋樹根殘綠消古日聞說城東偏寺牆
詩寫密葯翁近無事薄醉輒放筆寒菊及衰柳歌嘯成故實生
也奉杖履吟蹤每牽率我欲製刺藤招君執不律緩踏東華雲
天上搜奇逸

鞠見南純德刺史自江西至都貽近刻竹垞集並許購

書

君從西江來，淵明詩飽讀。此老有性情，詩成故不俗。聞君政多暇，亦復耽松菊。近喜徵典故，竒書堆滿屋。亭林與竹垞，吾亦素推服。漢學恨竒字，經史苦莫熟。老儒擅笺釋，善本貽庠塾。君舉付劄牘，世將廢簿錄。人間未見書，搜討願相屬。一船風送急，梧陰夢春綠。

李石農觀察抵都

君昔住春明，青袍棲古廟。中夜起讀書，屢借佛燈照。長安自人海，風雨孰同調。每乘孤月上，詩龕聚吟嘯。壁蛩深淺鳴，鄰雞斷續叫。我貪竒句搜，君喜禿筆掉。當場逢勁敵，作氣逞攻剽。轉眼二十年前事，多可笑。詩人今循吏，政事播越嶠。搜剔雁宕竒，仍作錦囊料。此行最快意，東南肆登眺。民謂官長清，來道奉輿轎。野田藜藿採，春溪魴鱖釣。我老坐荒齋，桐竹左右繞。書生昧世

務甘受迂濶誚

壽楊君嘗負外並寄荔裝方伯

人間最冷月五十一回看百戰歸關隴千秋想杜韓文意達
中禁見女聚長安又見春明柳垂青到石欄

阿弟憐余病仙桑寄蜀西山風鬆紙裹江翠濕封題野店梅同
笑春筵筍共攜感深藥籠物省却幾刀圭

歲暮懷人雜詠二十首

有序

謂之雜詠者補前所未及耳或存或亡或遠或近不

復分別云

鮑覺生中允

睡覺聞鐘磬蕭然世慮忘書聲兼暮雨花氣自空廊煮飯儲松
葉熏衣借佛香菹鱸肯輕羨滋味菜根長

朱滄湄 文翰 主事

鴉我詩篇去華山高處吟數峯天外笑十字夢中深江月照從
古梅花開到今多情原是累誰喻寂寥心

余有滿地皆梅花何處着明月句君奇賞之

阿雨窓撫軍

不接適園書梅花又歲除倚松看殘雪燒竹煮春蔬老愈江湖

遠閒仍筆墨疎翠微尋舊約蓑笠更招余

邀余遊翠微雨次皆爲雨阻

伊墨卿太守

太守真風雅朝雲墓肯修誰來撲青蝶爾去跨青牛書已西涯
似人原北海流草堂春酒熟介壽復何求

錢南園 澧 副使

三十年前地槐堂早綠陰

余居卽先生三十年前下榻處

壁紗秋月照楹帖古

苔侵世謂塵緣淺吾知忠愛深孤燈炯殘夢無語酒頻斟

王熙甫侍御

吟蹤伴二李

石榻少鶴

篇法祖中唐老以文爲命窮猶古自狂選樓

行欲葺

君爲二李刻遺詩

諫草死仍藏可有遺篇在空山掩劍芒

王子文秀才

清門賢子弟東海老詩人料理千秋業安排五嶽身才多原是病老至不知貧二十四泉水清冷孰與倫

周西麋朋經

看冷西泮月江帆一夕歸詩非今日瘦草是故山肥星斗九天辨龍蛇三館揮揚州雖有鶴不逐比雲飛

方鐵船

元鵬

水部

樂府擬廉夫幽燕氣象殊

君工樂府多詠畿輔遺蹟

官仍書劍猶老益性情

孤破屋蔽風雨新詩寫畫圖水衡原自好可剩酒錢無

洪桐生 梧 太守

知君名姓早二十五年前白髮仍夷宕青山未變遷愛花原有
癖刑集恐無錢五色不迷目休於衣鉢傳王揚甫曾聞會曆君
薦揚甫不執弟子禮
君亦
不怪

王閔峯侍郎

石經堂上坐古碣日摩挲種竹能全節栽松不改柯水清得魚
少樹大受風多化事南園好秋陰夢薜蘿

吳个園 徵休 孝廉

扶杖青山看無心逐野雲江頭誰載酒竹底每逢君墨氣穿林
出漁歌隔水聞幾回坐殘月林雀語紛紛

吳柳門鳳白 鸞 孝廉昆弟

江水年年到如何書不來偶教紅鯉誤長被白鷗猜門對雙溪

柳園增幾樹梅時還把書卷昆弟笑顏開

許香岩封君

江上荒苔色東風綠到門漁樵爭入市花竹澹成村詩夢春城
續茶烟月夕昏茅庵隨意築只就白雲根

王野梅

堂開

孝廉

一庵秋入夢萬里夜攤書老未功名遂食宜故舊疎守門寒有
鶴下箸晚無魚松菊委榛莽田間日把耒

方葆厓撫軍

海外更天外關中與隴中一身能砥柱百戰尚橫戎堂構情偏
切田園念已空畿南耆者在扶杖欲迎公

金蘭畦

光憐 廛訪

楞嚴讀萬遍仍是宰官身香草何曾碧梅花不識春孤情天所

典豪氣老來真
泰嶽雲飛動
層陰覆海垠

黃小松刺史

草堂見歸雁
夢裏乍逢君
黃剩廬溝月
青多泰嶽雲
春燈照殘雪
樽酒對斜曛
身後零星墨
編排竟不聞

葉琴柯學使

萬里傳佳句
梅花一樹春
近于初願園處讀龍泉寺詠梅詩
尋山會幾度
翳燭

共何人日養
丹砂氣風銷
綠綺塵登樓
應北望雁帛久沉淪

李小松鈞簡學使

許寄匡廬志
三年一紙無
梅花春驛遠
江月草堂孤
山谷有詩
瓜柴桑誰酒
徒心憐懷麓
集舊本半模糊
君有重刻懷麓堂集之約

閒居

閒居甘寂寞
鳥雀散空林
只自繙殘帙
同誰理素琴
故人書緩

答春酒夜孤斟爲念黃河水曾無麥隴侵

擁衾

豈無南畝志翻愧北窗情把筆每相笑擁衾時自驚雪殘松竈
冷星墮竹燈明忽聽春禽語來朝定曉晴

話山同仲梧

無事轉頻約忘機何遽還毋來君獨喜深信我能閒醫俗不須
酒怡情只有山明年射雕去隨爾王門關

曉起

曉日侵孤枕瓶花照眼新年衰惟愛睡病久不知春鼠飽跳從
壁鴉饑噪向人柴門難徑掩問字客來頻

歲晚

疎懶自天性況當心迹違月明僧不至風定鳥還飛春草隔年

綠故人何日歸紛紛貽雉兔我却喜寒薇

揜關

松葉不曾掃雪中還一青竹斜時入戶梅小只宜飛凍雀午猶
噪酒人春未醒山僧寄詩札苦約粥魚聽

晚景

冷月無顏色空庭獨立難春星隔林大山雪入城寒樽酒何人
共唐花不耐看平生愛芳草真意足盤桓

思梅

世有梅花在何年許我看豈真墮塵俗便不種高寒跨鶴縱無
分騎牛行自安園桃與溪李春事未闌珊

採藥

有意茯苓採無心梵唄聞林香散鴉背路影亂鳥羣春雨時兼

雪村烟遠帶雲空，高極空濶蒼翠難分。

不寐

不知誰氣力分，綠入空林。梅自限南北，春原無古今。可憐亭上月，獨照壁間琴。不寐愁難却，看書擁破衾。

殘僧

照眼惟孤月，隨身有片霞。不堪踏芳草，只許折梅花。落日明寒石，春泉咽暗沙。人間鬪紅紫，不及爾袈裟。

就火

雪片東西淅，風光遠近春。誰知騎馬久，翻覺閉門新。有火吾猶冷，無衣汝太貧。家家有紅日，莫作向隅人。

小病

自昨窺明鏡，從今愛草廬。病方思蓄酒，貧轉欲拋書。堂淺時飛

燕溪深莫釣魚柳條有長短何日爾扶疎

憶山

上方七十峯峯盡是芙蓉僧老不貪睡天寒獨打鐘春來梅吐

氣上方有梅花雪後虎雷踪未必丹砂得靈芝或偶逢

容花

竟從風雪裏冷眼見桃花燈下靜相對酒邊紅半遮春鶯聽隔
歲芳草夢誰家獨有水仙子儵然立白沙

贈雁

此去定何意寥空任爾飛江湖隨處好梁稻半生違聲肯隨雁
集身將傍夕暉一樽好相待應伴燕同歸

燈下

明燈伴余久不肯不花開雪裏春先到愁中酒易來抽簪驚白

髮倒屣諒青苔辛苦安吾分殘書又幾堆

送寒

隔城仍雪積出戶已寒疎柳色臨溪活松聲入夜虛僕知蓄春
酒兒喜買奇書已報黃羊熟隣家饋白魚

北園

柳老何妨秃桐孤不畏寒客愁風雨共春事酒杯寬山色照人
綠林聲入夜乾東隣知我起炊戶索詩看

守歲

辛苦又終歲冰霜準暫時道心生暗室春氣入殘厄得趣不關
酒忘言忽有詩勞勞還自笑掉筆欲何爲

朱素人移居圖歌

松樹街東烟水活小石橋南林木潤憶自松街移石橋老屋前

後西涯割

西涯祖居小石橋後移慈恩寺

山人愛煞鐘樓涼葛衫坐我梧桐旁

疑眸撫卷似睡去忽然大笑落筆狂一輛牛車書萬卷畫篋琴
囊老鐵硯零落菊花八九盆殘壞青毡三兩片恐我吟懷太寂
寥添出詩瓢更酒瓢此外家具略點綴純以意匠空中描述敘
且嫌物碎瑣況復揮毫期貼妥三里秋陰沁一心山影蒼茫雲
淡沓葛洪曾畫移居圖星霜剝蝕青模糊採砂乞今世或有朱
生朱生此筆無

奚鐵生畫山水歌

方薰既死固第一浙中近來無此筆恐被丹黃損性靈發染不
須借顏色空中邱壑意匠爲世上畫師豈能測知已千里遠相
寄百餅黃金換不得江嵐湖翠秋堂懸我身疑置峨眉巔白鹿
一去三千年歸來仍舐丹砂田六月青天飛大雪蓮花十丈空

中結孤雲直上鳥飛絕大聲霹靂釜厓裂千錢斯買一鳥牛偷
閒竟欲營西疇却怕桃花阻歸路清溪渡口無扁舟不如仍宿
山中樓飯飽讀書何所求

坡公生日同人集何氏方雪齋用公集李委吹笛詩分
韻得飛界一字

坡公臙扁舟坐對寒山暉笛聲歇千年白鶴仍南飛茲來拜公
像孤調聆清微公喜託漁翁日坐蘆中磯畫成笠展圖似自江
頭歸月上方雪齋照見青蓑衣

公神自在天求諸像已隘卽以文字論誰能限以界孤臣志忠
孝生平斥險怪當年恐看煞至今畱佳話如何百東坡寫作屏
風挂我不辨真僞入門先下拜

立春日陳石士編修冒雪過訪贈家刻數種并云茶姑

一函入葉甚香冽檢之則峨眉茶也賦詩爲謝且索
茶姑

故人如春風飄然隨雪至古書遠肯攜知我愛奇字又恐腸久
枯搜句乏新意茶姑實珍饈殷勤老饕饋路逢赤松子仙乎狡
獪施攫彼我眉英換此巨廬靈冷香散一室幽人警清寐山鹿
與江魚計較入餽誠姑也不到手芳冽何由寄得畫兼得石此
例古人遺調水符勿庸買菜翁不啻詩成笑枵腹無從徵故事
且欣雪掩廬容我三日睡

存素堂詩初集錄存卷十九

柏山 法式善 開文

甲子

伯玉亭撫軍寄書稱述舊事兼以近詩委勸拉雜書此
以報

纓紱不溺情詩書有至味秀才與相公何會前後異自家方寸
安四海蒼生庇聞君尙寧靜手挈數大事河汾少怒波恒霍鬱
佳氣豈知使君勞獨在無人地沉吟蟋蟀詩秋堂警清寐旌門
明月高俯仰松風吹

蔽廬城北偏徐公此堂構憶昔跨馬來壺觴叙朋舊

廿年前君
借菊溪中

丞及余同飲于鏡秋
齋中今爲余所居花光映鬚髯酒痕濕襟袖不謂笑言永翻

成離別驟可憐枝頭鳥猶自喧春晝故人各霄漢顏色何由覩

別盡燭花紅新詩出蒼秀

官高休縱酒一時游戲筆

君庖 蹕未蘭余寄詩有官閒須縱酒秋近最宜山句後晉趙撫余改爲

官高休縱酒君來書猶許詩述及

君乃久不忘此意有誰識吁嗟道義交片語

長相憶書來畧寒暄反復前言述定知百僚佐各各矢忠直詩
非採下體芻蕘獻一得所以古華夔坐享熊羆力

山右近人詩我喜吳蓮洋橫空寫清峭奇氣凌太行此後雄傑

才多在星辰旁採風使臣職敦厚追陶唐勸成一代書要須搜

散亡燕公大手筆

謂張蘭 諸方伯

校字煩中郎

謂蔡 呂橋

坐取澤州水澤州 李錫
詩存之刻補短而截長誰謂山水音不足升

明堂

顧子餘畫山水

生從京口來尙未詩僉謂閉門卧三日先已思力竭晨起笑向

天放筆勢飄忽障翳掃殆盡精神始入骨新柳綠在空不受水
烟汨水烟自澹沓乃從寒竹發雲霞取象遠沒處愈超越早知
生胷中奇氣原爰兀偶然借楮墨乘興寫林樾如何別已久烏
絲袖中沒梅花三度開獨看金焦月

宋芝山松石圖

誰取堯階松配以女媧石真青不能變拚映太古白宋生性狂
直放筆寫胸臆只自取瑰奇那肯加色澤遂覺九州烟飄入秋
堂夕懸我素壁間觀者無俗客塵埃萬草木誰及爾標格此物
世常有此筆足愛惜夜深風雨來每有蛟龍迹老爾空山中將
毋嘆窮厄

朱野雲畫山水

哀猿叫空峽聲徹白雲裏殘月墮空江驤客舟中起歲華去如

瞥感慨烏能已蒼茫挹無盡收拾入片紙精神與之會能事非
腕指寫山不寫山寫水不寫水炯炯方寸光千里與萬里石厂
誰所闢想自混沌始一花開四時歷刻不能死朝尋桑苧翁暮
訪天隨子雲中騎白鶴海上跨赤鯉不如坐此龕無譽亦無毀

孫少迂畫卷

有樹任橫斜有石任錯雜有堂任傾圯有水任滄逸出自詩人
筆遂不嫌重沓頓覺四山青遠近一窻納幽人坐讀書薜花青
上榻綠漲前溪頭時聞春雨颯雨止桃花開曳杖新月踏澗底
風泉聲泠然林谷答

朱素人畫山水

雲氣滂石根筆力透紙背看似不經意意先具筆內几席咫尺
耳何由辨明晦却從千里外以心爲進退茫茫九州青磊磊五

嶽無驅遣八草亭幽情萬古在造物豈不巧汝筆與之配一似造物權今爲汝所貸我既獲茲圖遨遊竟可廢雨過竹窗晴焚香悄相對

馬秋葯畫山水

馬君踈放士作畫特縝密五朝三易葉圖成懸秘室自謂詩人爲中固無俗筆持以贈知已非詩人不識嗟我讀書少落紙傷輒率君乃惜之深諷我萬卷畢所以嵐翠外秋 何寫有色却恐岩谷中十年卧不得葯庵大自在亦爲錢驢出

張船山畫山水

顛張每作詩思必超物外畫從詩中生那復着塵壘畫山不畫峯畫水不畫瀨峯瀨豈不好落筆防其太但取已胸臆坐與萬象會謝盡皮與毛手筆所以大我敢託畫禪祇自抒詩韻把管

我月顛舉酒蒼雪晴

陳詩庭畫山水

錢公竹遠寄書稱述陳子畫陳子持畫來老梧秋葉敗虛堂落
江影中有詩境界波瀾久貯胸富貴眼不挂生平志山水寫成
肯輕賣知已荷顧盼俯仰斯爲快一任幽草薰甘受涼月晒只
恐春燕來誤認杏花砦

吳南齋畫卷

冷酒滴入胸殘墨瀆滿手遂覺九州烟一時皆我有意中有所
得發揮憑臂肘圖成掉頭去任人自攜取幽情繫鶯燕芳意憐
梅柳誰見桃花源姑託輞川口

王春波畫山水

誰取江南峯障我西涯水當年白石翁留茲一丈紙王生採其

意放筆烟雲起烟雲非外至都山胸臆裏江綠望欲空蓬蓬詩境擬他年訪二泉篋中當攜此

顛容堂畫卷

筆墨加一層精神出百匝大葉與粗枝看去似拉雜豈知遠近峯樓閣空碧納松丘無樓蟬簷危有怖鷓南山雲不飛北澗風初合君肯攜詩瓢吾當理畫楫

吳退庵畫卷

退庵詩最工丹青乃餘事此畫卽是詩筆筆出秋氣廓斜抱遠勢亭歇擅幽致天曠境與遠塵隔夢自異此皆君所得而肯我相寄何不入匡廬爲寫三百寺江濤與山翠吟成幾千字

題姚之麟爲陶怡雲 換悅 畫雲山圖

青雲飛上天白雲栖在水方其未出山同一無心耳靜者瞻山

色適值雲初起朝夕雖萬變行藏匪二理姚主好手筆畫師蚤
喻此高空寄澹沓觸石乃奇詭人間磊落姿必從激厲始林塘
春雨過轉眼詫紅紫豈知醞釀功祇存膚寸裏未肯向蒼生宛
轉託知已

生日雜感

正月十七日

積書苦太多欲讀不能畢退食詎無暇既老情精力夜深燈未
昏勉盡兩三帙古人邈難追心理感相得孝悌本天性聖賢無
異術生平愧所學剩此一禿筆

兩腕有鬼掣揮洒不由已歌嘯取自怡塗抹輒盈紙詎料江湖
人嗜痴乃到此梧門一片綠森森秋玉比投我古梅花報之以
蘭芷日坐草堂中放眼觀千里

老妻卧在牀呻吟日三五拘孿雖肢體病實中肺腑偃息已十

年誰能悉其苦兒女非渠出却能善事姥半生弄筆視今乃計
谷庾饑寒倘不免吾方何以努

我兒十二齡記誦書不傲上口遂齟齬下筆頗適緊無心取遊
戲有志事研吮人許竹乃父我益增憂憫此言冀弗驗厚福要
愚齋

鴻南袁蘇亭萬里寄書至朋友以義合本無南北異酒食與徵
逐雲雨反覆易我疚抱方深日凜虛車愧造物况忌名貧病行
且備何日避岩谷松根抱石睡

時有山中僧招我山中住豈忘簪紱樂無奈烟霞痾行辦買山
資松間數椽具何苦石倉繁亦不古佛塑但藏萬卷書還種幾
行樹隴上逐鳥健溪邊侶白鷺胸中自有秋誰作秋聲賦

大春二十日寒仍生傲裘雪意橫四山人夜風颼颼有酒不能

歎何以驅新愁坐聽笙歌音來自鄰家樓鄰家昔少年賤子已
白頭但見月東上不聞水西流默感年華何意于王侯

楊子貽我詩刻箴及蒼石詩句既清新美石亦堅白敢不重君
意撫躬自愛惜奈我性枯淡恐難加色澤便擬從今春覽註劉
伶籍或者驪酒魂入而盪詩魄渣滓盡消除精神漸充溢朝餐
雁宕青暮啜龍門碧四海與九州雪鴻要留迹

袁蘇亭文揆白雲南寄詩札至

萬里遺君詩迄今三四年願園自滇至稱述蘇亭賢而無遺我
札念此殊拳拳去歲三月書忽落春燈前寒翠澆數層中有梅
花烟時違易風雨路遠多山川朋友交有道不貴言笑便虛名
忝叨竊踰躐方自憐推許毋乃過益我尤與慙矯矯南園句一
似孤鴻奮遺詩我作序今已新安鐫逸者君補之斑豹窺其全

閉門養心氣筆力稍稍堅合君所綴輯吾爲文以宣

白石橋

水東萬柳圍水西諸寺澗淨綠草根齊遠黛山腰拱萌茂三兩
家一竿酒旗絳幽鳥那嫌孤寒色莫棄冗杉檜卧墻陰猶抱寒
雪腫甃開遂自矜百事嗟不勇且歲謝世憐老寧怙佛籠過眼
優曇花何如麥橫壟

陳曼生詩龕圖歌

陳生畫筆卽詩筆除却奚爾誰與匹秋牕潑墨風雨疾騎驢夜
入西涯門歌聲直撼梧桐根月魄下濯詩人魂看罷詩龕忽大
笑一筆兩筆盡其妙但寫精神不寫貌

朱青立詩龕圖歌

山人作畫如作書筆之起落皆憑虛筆嶽滄洲遊已遍春明來

寫詩人蘆純于空際出氣力天地頓生好顏色一花一竹隨手
成吐盡胸中幾升墨

張有華 鵬神 畫山水

蟠茲太古翠鬱作千萬峯秋影吹不滅落地成芙蓉南華擅仙
才奏賦 明光宮晴窗墨壺倒筆意先凌空鴉鳴寺有月猿叫
山無風壤石雷所穿洄湫流寒淙陰慘混朝暮劫匪移西東香
閉雲中花響遲天外鐘蒼茫萬景涵總出才人胸乃知艱險極
始許幽冥通回觀湘底雪仍是堯時封

葵鐵生畫

一片西湖山新翠落瑤席奚生好手筆此尤見標格移燈細把
玩江天出深碧溪山簷鐘磬秋陰冷桐栢茅齋亦人開心閒境
幽僻架梁借瘦梅簷牀選蒼石他年泛秋槎寒潮濯詩魄載酒

問奇字先訪子雲宅

次伯玉亭示諸牧令詩韻

下令屹若山承流速於冰事之有本末如花判萼蓋網維上所
操百務具舉矣良醫療沉疴形察復脉視鍼砭偶憑藉疲癯乃
振起邪氣乘間入調護烏容已外觀不爲據初平詎可喜時當
刃鋒鏑幸二斷菜糶禮義生飽煖盜賊亦人子桁楊與刀鋸區
區那足恃二未能免飢寒誰復求錦綺蟋蟀鳴在堂秋風歌樂只
尚凜巢穴半且畏鞭撻民固有室家能勿慮傾覆二大臣握綱
紀小臣謹二目念爾魚鮪淪惕彼鷹鷂逐良士惜羽毛丈夫恥
溝瀆上自尊瞻視下已知祇肅上自裁浮夸下已安模屬訟庭
有落花書案無停牘情僞阻咫尺忠信勝推鞫稽古唐虞世慎
重選羣牧

旌旗列帳門晴畫雲霞舒擁座春烟稠拂簷嘉木敷庭懸徐瑞
榻筵曳鄒陽裾浚花晚始明幽泉寒不枯階草隨意長榛棘矢
必除廣廈耳萬間四顧徒愁吁勿溺青山青勿守愚溪愚熙然
引民物俯仰遊華胥清風衣袂生古月松林儲隔牆見竹孫捲
簾來燕雛莊周夢爲蝶惠子觀非魚恐有澤中鴻聲雜水畔崑
防身苟如玉請致綢繆芻神明默昭假何事懷椒楮

那能舉一專人人都稱好循良日益多發充日益少使君靜無
爲衣帛復食稻塵緣百不撓惟以善爲寶騎馬歷郭門春綠原
頭草氣力民所靳此意使君曉勸農詩屢廢語長筆敢掉而我
隔千里白雲太行纏舊業漸荒蕪豪情嘆枯槁述作古今事到
手粗能了鈴閣緬清嚴恐致竿牘擾讀書三十年腹笥未曾飽
誨我望諄諄淺學庶深造

篋繩齋畫山水

舊氏江上居讀書畫高樹老樹經百年那復雲烟稠投天一枝
筆曠代長貽留乾坤不蕭寂萬物爭雕接上極高山高下窮流
水流偶然藉縑素抒寫何綢繆春草綠侵榻新月明一鉤拭塵
與靜對耳目移清幽笑我簪紱身未便從君遊何日桃花開簞
笠隨魚舟

篋繩齋傲閔貞畫

閔子擅真意瓣香良獨難篋氏家法承放筆生蒼寒俄頃春明
城烟竹千萬竿水氣借半湖秋影分一欄眼前白鳥盡意外青
山寬何不寫梅花風雪催吟鞍

王春波傲沈石田卷

昔年白石翁潑墨圖秦國人多羨其筆洒落詩意存王郎作客

久延佇思江村忽曳三尺紙放出千山奔空外
偶頓挫綠漲林塘根但聞松栝鳴詎雜蜩螿喧
風濤起素琴月魄沈清樽尙欲
乞王郎爲我除器煩樹老莫寫烟草新莫寫痕
但以我所得而溯彼之源縱弗肖石田真氣中
歷渾

萬廉山寫山谷今作梅花樹下僧詩意

煮石山農法寫梅惟寫神一片匡廬青雪
夢庵無塵君號雪庵放
筆圖梅花幻成千萬身着我在花間頓悟來去因六月蒸炎暑
揮汗憑風輪亦有松竹陰那得冰霜鄰黯然太古色一寒誰與
親我年僅五十老耄梅與倫月魄豎孤冷石骨交嶙峋不肯示
姿態寧復知冬春

題華亭江墨莊雜桃花潭水集後卽送其歸

我詩雖未工不喜皮與毛我遊雖未遠盍眺意氣豪心力修已

哀萬事徒劬勞
君性堅忍筆墨平生操
足迹遍湖海幽怨兼
風騷跨驢走燕市
辛苦尋吾遭
時會難豫期貧困誰能逃
桃花幾度春
汪子仍青袍
忽念故園中
三徑餘蓬蒿
揚州騎無鶴
廣陵觀有儔
隨柳聽兩鶯
對菊持霜螯
三百青銅錢
十日醜村醪
明月照醉醒
青山無低高
清言自然綺
短髯何須搔
充君所造詣
可溯韋及陶
葆此清淨根
適與澹泊遭
僞體宜別裁
勿學寒蟲號

萬廉山詩龕圖

飄來松隙風吹出
梅梢月四山併一
綠寒欲濯毛髮
茅庵誰所葺
嘗覺是古時
佛君爲我作畫
奚爲此髣髴
或因六根淨
讀畫塵妄滅
詩境證空明
筆端擅幽潔
人靜溪聲長
天高雲影絕
一庵心太平
萬里途曲折
竹籬插短短
便與人世隔
花開知屆春石

凍仍含碧笑我忘機久尙抱烟霞癖

蔡研田本俊畫山水

眾山各有態一水斜抱流石烟夕陽變林綠春陰穉匪做黃髮
瓢下筆原清道吾師謂文恭公君子儒家學宗魯邵君性時瀟灑癖
此對黃幽敲門索我詩畫卷聊相酬片紙袖中出萬里蒼茫浮
懸挂素壁間倏忽風颺颺遐矚更真討勝湖滄江遊

題王椒畦畫

船山始作畫乃學王椒畦椒畦詩冲澹畫亦超恒蹊筆墨不留
迹皴染純天倪諦觀僅咫尺萬里從茲躋獨坐春雨中似有鶯
亂啼落花幾片飛頭令燕逕迷隱隱松梢頭一痕新月低吾欲
招船山重此清樽攜

邵雲巢畫詩龕圖

邵君隱吳山不識盧溝橋西涯漚空綠取向胸膈太史我故
人千里慰寂寥此卷爲與竹水不取浮滿山不取崒嶢老梅吐
幽葩寒柳舒烟條一寸心光清百丈塵氛消何必入詩龕始許
詩龕描野鷗未可逐老鶴雲中招

高柳漁玉附詩龕圖

高生始謂余畫法猶弗精兩年未相見下筆迴風霆賣畫住長
安車轍來公卿此圖意境外往往神采生斷石沒雲迹長峽留
猿聲古月不擇地照人心迹清何必大空山始有遺世情誰能
逐白雲飄飄天際行老漁具鮭菜滿酒柴門迎吾當把耒鋤辛
苦梅花耕

吳山尊詩龕圖

手操一枝筆三十年不休乃於讀書暇乘興圖林邱謂此卽詩

龍詩龍何外求余生喜夷宕略比波間鷗風來輒披襟客至思
登樓所愧塵網羈未豁江天畔位置高雲中身與天地浮明月
照我懷白髮侵我頭擬蓄酒千甕還種花百疇時時招君來爛
醉西涯秋

送盛藕塘之官德安司馬

憶余掌成均佳士得三盛

盛超然盛木及君

一死一遠宦留君商競病

君今去雲夢造門再三請吾聞七澤間騷人擅吟詠此行所切
要虛心理百姓但恃儒術深漫詡詩筆橫暇或按佚聞西涯佐
幽評昔年試橋門嘉君議論正

余於成均試士題爲西涯秋帆論君樹議最正拔別多士

一水隔嶽麓高雲映先民遺矩矱後人取藻鏡莫謂職司閒操

縱讓守令濯濯縉紱身潭源

朝廷命伊古各公卿究心在初政

孫淵如觀察重蒞沛上魏春松贈句云歲陵湯冢考原
眞行剖軍來雁澤春別有蒼生迎馬首揚碑人與靈
書人張船山浦爲圖賦詩申其意

名碑與奇書接訪吾所愛淹貫慚未能鉛槧敢輕廢君今任觀
察災黎宜恤資耳目稍壅蔽害將被闡闡澤中百萬鴻哀鳴待
招徠魏侯歌以詩用意益有在知君讀書多論古無窒礙水經
辨順逆輿圖識向背恢恢方寸心直欲吞全岱姑舉一二事抒
寫生平概笑我眞腐儒終日一編對幽情隨境足壯懷逐年退
行且焚筆硯入山理鋤耒醫俗多種竹醫貧多種菜君肯騎馬
來坐我茅庵內祇愁兩鬢霜難換數峯黛

題查伯葵_探孝廉詩集

新詩在

國朝作者稱極盛海寧有查氏文永後先映阮公軒轅錄吾曾
著論評不謂同時賢詩筆乃爾橫大宗擅典麗初白取醇正君
能藉學力抒寫已情性兩家之妙兼却無兩家病

空山守貧素懷抱同幽蘭榮悴難豫期富貴非所歎日逐雲水
僧碑字范青剉梅花深雪間天地如此寬萬卷填蒲肯寧復愁
饑寒三日不出門人將比袁安

既不親拜揖亦未通姓名把君一卷詩拳拳念生平秦君皤白
南來因述君性情三十猶青衫髮白已數莖三折肱誰憐九轉
丹不成廣廈雖萬間志士羞營營莫舉古毛雖棄等寒燈檠

存素堂詩初集錄存卷二十

柏山 法式善 開文

甲子

題羅兩峯畫梅爲陳雪香學士賦

鬱蒸苦難却閉戶十日餘
穉竹兩三叢不能陰
堦除安得冰雪顏
揜映蓬蒿廬學士素心人
示我梅花圖聘也擅絕技
此筆今時無着墨不在多
花幹皆扶疎摇曳午
憲間頓覺交氛徂
遠夢落江南惆悵孤山孤
良田賃幾畝種花明月鋤

思元道人園中十詠

螺旋臺

循途芳蒼莽不覺身已高
寄語躁心人何事空勞勞

眺松亭

風雨落圓濤夜深清夢淺起來坐亭上蒼翠人遐眇

丁字廊

昔遊丁字沽頗得烟水趣今看月轉廊便欲抽帆去

樊學齋

小人無遠志半生喜農圃如何五雲客關心在晴雨

筒石

出土便凌雲堅心又直節荒蕪焉能污天地清氣結

葦橋

未見烟水昏但聞秋葉響載酒欲從之風露不可往

舊樹

巧質曠飄零寧復任梁棟要知閱世深根節異凡衆

井亭

綿綿汲古心 朝暮愧纒短 風送轆轤聲 可以罄哀懶

松棚

虬枝縛木安 鶴鳴聽已近 熱客誰肯來 此棚自風韻

月墀

明月最無私 照物不擇地 幽窻情相對 分外出姿致

巽程申伯維岳同年

前年接君書 頗矜學力進 山中日月長 廊下風雨迅 鷗鷺無定

蹤 猿鶴有天性 催詩牘未發

君許為搜羅 江南通詩

忽接委蛻信 聞君兩

年中霜雪齊 上髻憂胡從 中來一蹶 遂莫振 不惜肝腎摧 只求

筆墨橫幽花 射人紅涼燈 八夜冥塵網 雖莫禦 古懷誰與證 我

亦行自傷塗 抹日酬應有如老 蠹魚破紙恣游泳 君死吾益孤

前望涕泣迸

陶然亭接孫子瀟寄書并和余三君詠卽席報之

高官久不慕好友時難忘萬疊東南山八夢青偏長適遊陶然
亭一雁空中翔剖緘反復吟泠泠清肺腸我作三君語非爲三
君傷三君負才久寂寞歸江鄉巖谷隱佳人草木皆馨香武陵
清溪在誰肯隨漁郎此中積有書定免秦火殃借載一船歸分
置三閣旁三君彙筆來校勘奇文章風亦吹我至坐對秋蒼茫
六月一日胡蕙麓招陪翁覃溪先生死平署中早飯先

生出拜 文廟詩屬和次韻

中外頻年奉簡書采蘭倦憶采芹初青衫

思許官袍換白髮涼分苑柳疎數仞墻今作山仰一區田好帶
經鋤雲麾碑後重題記改有何人此曳裾

故人多在五雲邊一度相逢一洒然懸裏花開蜂蝶遠水東雨

過鷺鷥山光几席今番接詩話江湖幾輩傳又爲詞林添故

事門生門下愧登筵

余時修詞林典故

送李載圖回任廵朱野雲書載書圖後

世間讀書人多爲名利誤循吏茲報最蕭然託寒素生平慎積蓄圖書寶滿庫斯須不遠離藉以慰朝暮生好手筆又風韻寧故漁洋載書圖風流咫尺晤青山何處無白髮良可懼誰謂滌黃流而必鄙章句牖下嘆我衰時復得佳趣晨接南洲鷓夕逐西涯鷺

答韓旭亭

君本浚蕩人而取幽閒樂吳山幾百峯蒼茫寄兩脚心共嶺月高影帶秋霞落偶逢採樵人臨請不死藥先生笑諱之但勿被情縛泉激萬竹響林逼一星灼濕翠暗上衣新篇漸盈囊珍重

故人寄再三批句索憶昔遊西山我忝隨芒屨每到險絕處藤
杖翻拋却方寸自有主外物奚假託今又五六年神明閱勝昨
笑我年五十手足不聽約一從遊興減倍嫌詩筆弱

答顧藕怡仙根

嫺嫺沸高樹日受交威侵千錢買十竹坐卧清涼尋故人在空
谷千里相思深烏絲遠寄將中有泠泠音此音勿他求萬古同
一心桐川有聲豈請節無絃琴覽君述作盲匪偉希何陰北方
罕學者吾自成吾吟年衰進德難辛苦書中蟬前湖雨初過禿
筆秋森森

張蘭渚方伯抵都

志乘煩君寄鑽研愧我陳黃河不相見白髮竟何如却病真無
藥消愁只有書烏絲貯懷袖珍重雁來初

身閒心亦懶無事怕開門驟雨忽然過小蟬時一喧不知故人
駕已稅盧溝村定欲去相訪晤君何所言

送方茶山體出守

兩鬢忽侵雪一官仍讀書古今望蒼莽民物念何如萬本梅花
樹中間太守廬南枝肯頻折休道北鴻踈

哭楊荔裳方伯

我知君工詩不在觀而後館閣各一官良辰每孤負豪筆去從
軍十年鞍馬走政暇輒歌嘯書卷未釋手豪傑慮事深疚疾稍
已久大星夜西墜妖風川北吼阿兄嗜儒雅立言期不朽長安
雖人海遇我情獨厚敦追序君集敢自匿衰醜荒徼疆域分百
蠻情偽剖生平數大事靡不詩中有當作奇書讀詎止資設救

贈嚴麗生學滄兼寄張水屋譚子受蜀中

聞君與姚生椿髻歲八巴蜀姚詩如岷江奔放百川浴君詩如
峨眉蒼秀萬峯巖得天固已厚於人豈無屬姚也使氣雄毋乃
少洄泐君乃持之固一發仍涵蓄博收復約取身世閱歷熟來
看長安花先訪慈恩竹詩法論殷勤交遊述往復張譚我故人
苦爲官縛束各有一枝筆拙撼川水綠奇氣那能抑往往託歌
哭寄語賢公卿此輩不可辱

熙朝雅頌集題後

英靈不渝沒中必有憑藉經營閱歲時主持實造化我

朝興東海臣庶習騎射浹洽三百年

文教遂揚播鬱爲忠義氣起衰更振懷太古雄直音不由萬卷
破方今執戟士乃愛奇書借森森幽燕筆肯受脂粉澆昔年元
裕之採詩國史佐宇文吳蔡輩增人幾涕唾篇什傷寂寥氣運

付摧挫荷皇

一代文遠矣唐朱鵠薄材荷鉅任十年忘坐卧秃筆任軒昂
燈忍寒餓掃塵狐跡憎剔蠲虎氣怕店廢蝸汗墻寺荒螢燭夜
朋儕笑迂腐僮僕肆嘲罵肱折術始精血嘔志未惰果蒙

天鑒及謂視周雅過至道有所麗虛名烏可嫁文章變氣質禮
義講閒暇區區補綴勞庶幾無罪謝三復中州集秋蟲吟初罷

徵修熙朝雅頌集續編再賦一詩

從來賢子孫必念乃祖父音容慨難接文字可時睹勃勃忠直
氣纏綿歷今古周家設軒軒漢室立樂府采詩協律郎宣播列
鐘鼓我

朝雅頌音鑑定由

聖主股肱喉舌司烏能廢言語要期本務敦豈僅華藻取蒼萃

成一編十年費織組英靈恍釋茲精魄不淪土善也寡學問餘
勇尚可買桂漏勢難免從容待續補詩教在人心匪却未朽腐
身死心不死蒼茫託毫楮雲霞出新鮮天地與仰俯聞知暨見
知各自喻甘苦

天章踞讀罷小臣淚如雨長安百萬家誰弗念依怙門限幾踏
破繖絮約略數何須開選樓叢勝列千部僞體爲別裁拔十或
得五零箋敗簡中的礫珠光吐蠹灰掃篋底螢綠耿夜午停杯
略沈吟揜卷起歌舞肯讓元裕之巍然作鼻祖

西涯晚步

紆迴溪路轉寂寞寺門空惟有橋南柳時搨岸北風鷺飛人語
外秋在雨聲中滿地皆芳草誰爲採藥翁

讀汪積山集燈絮語示兒子桂馨

古人讀書法日在無間斷間斷之爲害甚于書籍棄少年事游
嬉長始弄文翰人休吾弗休數年抵道厚蘇公二十七閉戶喟
然嘆東方朔上書厥稱豈披玩四十四萬言十年一以貫循序
必有成偷閒是所憚

龔蟬效劉勝枯木同子綦其人恂恂如吾無所取之曠覽天地
間何者非吾師無甚關緊要會心每在斯癢極得搔爬此樂誰
相知長史觀舞劍筆法能生姿他人豈未觀未嘗一再思常地
與常物糊嫌據爲私夏蟲昧堅冰坐受通儒嗤

投杖起謝過乘軒失逡巡卜子暨端木良友朝夕親顏氏家訓
篇提命誠諄諄智好問則聖凡物皆有眞一字偶放過疑惑留
終身無事看韻書願亟誠齋遵啟口羞勿憚舉手勞豈辛陶公
不求解別具留懷春

荒唐險怪文不如豐腴好刻峭所弗靳精氣宜自保寒者衣布帛儼者食梁稻在物了無累于人則已寶虛鋒與張墨督力早除掃與其玩唐花不如驗階草

觀書貴細心更要耐長久伊川每讀史揜卷思妍醜溫公通鑑成當代推作手一昏閱未終茫然避席走挾山異折枝奈何弗深剖

春誦復夏絃抑揚乃有聲八音弗配之不可得性情絃誦法絕傳節奏所必爭未許稍增損乃能分濁清可笑鹵莽流心手徒營營伸縮操筆墨神智何由生

考辯後箋疏發明先證據唐以後無子小說取參互秦漢訖唐宋文章異旨越禪誌擅議論尤足訂舛誤歐公暨趙氏亟亟金石注不憚登陟勞非取臨摹助亦謂天地大一物一理具

唐仲言汝目瞽李公起按聾啞耳治與目治居然稱學者聰明
備爾躬畏難事苟且農夫棄耒耜工人毀埴瓦尙以賤目之質
勝豈不野義理果內充文辭詎外假雷同勦襲輩任他去搆摻

哭丁郁菴履端

恍惚十日前猶讀君警句如何驟入秋敗葉墮高樹君年未五
十蕭然同病鷺可惜好手筆無暇大禮賦退衙日愁貧坐悔簪
紱誤卓哉李開州辛苦殘詩護

石墨齋詩和覃溪先生有序

先生藏東坡天際烏雲帖屢倩畫手寫意不肯近得
石屏如化工然賦詩屬和

天然詩境天然畫幻落江湖七百年今日蘇齋酬昔夢依稀星
月視屏前

畫在詩先孰共論
篆烟一縷起雲根
人間不少倪黃手
雪浪原無斧鑿痕

德勝門外看荷花

水氣并花氣不能分
沒濃塵容愧相見
詩客悵難逢
映日自然好揚舲
不可從
羣鷗飛又住
較我更疎慵

山中

秋山連日雨
巖壑亦塵埃
古寺微聞磬
深林尚積苔
猿偷山果去
鷗帶水雲來
爭怪林和靖
追隨鶴與梅

偕佟秋帆

明誠

何蘭士訪李謙齋

吉升于橋灣別墅

石路忽然斷
柳塘秋水明
潛魚知客至
馴鷺導人行
不雨松常翠
無風葦自聲
江鄉吾未到
塵夢此偏清

橋灣卽景同伊墨卿何蘭士朱楚雲

秋夢連霄落釣磯
水村風景託依稀
過橋便與人間隔
紅蓼花邊白鷺飛

止宿橋灣別墅

新柳如短竹
潑綠障斜日
沙路過秋雨
柴門閉深黑
早翻鷗鷺影
未辨水木色
荷花雖已殘
想見君子質
西風吹自涼
積潦汗不得
煨芋更燒菊
半是湖田食

橋灣十景

天橋

雲路絕歸鳥
水滴搖斷虹
似欲跨孤城
飄渺橫秋空
蹇蹇莫蹇蹇
此恐墮蘆花中

柳堰

峭風催客行
長條挽客住
如何踏塵馬
得及衝波鷺
漁郎舉手

滄水深不可渡

萬緣堂

榆槐拂雲高苔蘚上階厚中立數怪石山勢蒼然有難得白髮
人長日此飲酒

心遠閣

高柳與短葦蕭疎同一色遠遠西山峯嵐陰暗斜日忽聞水際
喧舟行蓮葉北

生秋舫

終年屋打頭那識浮家樂烟綠一分厚衣衫一層薄正恐熟客
來此境嫌冷落

荷風榭

風來花不知花氣風已送緬維君子懷時防薄寒中浮綠掠衣

袂孤燈永討夢

艤亭

水浮物亦浮本不論小大此湖僅十畝舟行聲濺濺艤向柳陰
邊一亭詩境外

葦間廬

廬背萋萋綠廬面臨清流誰謂廬中人不如波上鷗莊惠世豈
無濠濮空悠悠

月湖

我來適無月聞說月時好照花雖有情未免憎人老我背銀燭
看殘荷休懊惱

釣磯

與其把禿筆不如把長竿得魚小事耳人心生喜歡莫怪竿頭

翁六月風猶寒

彈琴圖爲唐鏡海鑑作

我聞流水聲輒作出塵想幽人宜以琴秋玉四山響君從湘江
來何日湘江往泊船岳麓間數峯青莽蒼

題船山畫

客從青山來青山不知處秋猿只一聲萬里踏雲去

呂叔訥教諭寄自雲草堂集至侑以長札題其集後且
奉懷也

老境取平淡造詣今異昔獨留奇怪氣時向昏間發白雲飛無
心青山老此客廿年莫相見芙蓉江村夕忽枉尺素書彷彿接
几席天末數知好與君皆莫逆謂洪雅存孫淵如出處形跡判
衰遲都可惜惟有磊落懷萬古不能釋文章雖小道要自出胸

屬籍謂史有徵百家取埤益陸耀書主謹嚴徐縷編示綜覈未
若黃梨洲精粗同擔據在存浩瀚中而自適其適譬如築大厦
必先百材積廣文屬閒曹固有化導責願君屏窮愁竭力事典
籍

贈汪研菴丸明

幼梯黃海雲老晒白門月天遣江南山朗暮君迎謁嬴得詩藹
囊一官任飄忽愛我性蕭洒殷勤置筭厥秋齋絕塵壘遠綠暗
林樾雖無朱弦瑟言語自疏越往事觸懷抱澹交忘齒髮斗米
豈不炊腰間有傲骨丹砂亦可採無術去城闕倒君篋衍字引
我清興發名篇絡繹在奚弗早剗剗山川出靈異風霧歛駭勃
藤枝許獨攜萬磴宵中歇

茹霽堂綸常十年前以詩集寄余未有報也適其鄉人

張雨厓聖詔道霽堂垂念鄙人甚殷賦贈

河汾夢可氣往往鍾詩人青庄與蓮洋得句捐纖塵窮饑者不
悔高節秋嶙峋茹翁繼二老瀟洒稱天民弗希替絳榮獨與魚
鳥親梅花生空山寧復知冬春幽客契孤芳同此明月身千里
寄尺素十年愧逡巡

寄南中同學

日月挽莫回文章留萬古楮墨易灰燼精理中揚詡唐以前無
論宋元明可數蒼萃苟無人不絕者如縷輻軒費投羅丹鉛恒
擇取李昉姚_錢日_謙蘇_天黃_宗別裁意各主賤子奉

明詔熙朝雅頌補例洽元裕之義宗尹吉甫交遊勢利見禦之
如禦蠱勿令石滄玉勿使今錯土人勿區顯晦地勿判齊魯意
在筆之先氣爲理所輔波臣岩穴客聞風歌且舞雍容士大夫

豈不思撥備

尺五莊招李廉訪

長森朱棟

觀察不至卽席東同年諸

君

幾行鴨鵝闊一帶葭葦起板扉日長閉酒旗綠楊裏石缺苔猶
花橋折魚白水貴客招不來幽人夕陽倚

送伯玉亭制軍滇南

今日巖疆使當年侍從臣讀書鹽鐵孰愛物柳梅新筆下慈祥
氣胸中浩蕩春南人罷爭戰夫子自綸巾

從來山水窟必有性情詩春酒醉南月梅花開北枝百蠻果風
草兩鬢佳霜絲匪敢耽文墨教他敦厚知

滇南有奇士磊落總無前公欲干戈熄今宜禮樂先人才發田
祇氣象鬱山川自古調和手關心是薦賢